

18. oktober

UKA2018/146

Meeqqat atuarfianni pisortatut atorfeqartut pisortatut ilinniarsimanissaannik piumasa-qaateqalernissap pitsaaqutai pitsaanngequtaalu pillugit qulaajaasumik Naalakkersuisut UKA2019-imut nassuiaammik saqqummiussinissamik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaqa Sofia Geisler, Inuit Ataqtigiit)

Siumumiit Meeqqat atuarfianni pisortatut atorfeqartut pisortatut ilinniarsimanissaannik piumasaqaateqalernissap pitsaaqutai pitsaanngequtaalu pillugit qulaajaasumik Naalakkersuisut UKA2019-imut nassuiaammik saqqummiussinissamik peqquneqarnissaannik Inatsisartut aalajangiiffigisassaattut siunnersuut. Imaattumik oqaaseqarfigissuarput.

Siumumiit oqaatigissuarput kalaallit nunatta atuarsimassutsikkut ineriartornissaa pingaartittuugatsigu. Nunarsuarmioqatigut isigissagaanni sukkasuumik ineriartorfiusoq pingaarpoq nunatta ilinniarsimassutsikkut malinnaalluarnissaa. Nunatsinni ineriartortuarnitsinni sualummi massakkut ukiut nallerneranni annertuumik inneri.

Saalernitsinni pingaartittuarparput ilinniartoqarnikkut pitsaanerpaamik aqutsisoqarluta inerisaaqataassalluta iliuuseqarnissatsinnik.

Assersuutigilara umiarsuarmi ingerlaavitsinni umiarsuaq naalagaqarsimappat igasutuinnaq naammassisimasumik umiarsuullu naalagassaattut ilinniarsimanngitsumik. Taava pisussaaffiit ilisimasassarpasuit assigiinngitsut akisussaaffigineqartut amigartutut isigineqasapput. Taamaammatt umiarsuaq naalagaqartariaqassavoq ilinniarsimasumik allagartalmik. Tamasumami isumannaassuaa toqqissillutik ilaasut angalasinnaanissaannik.

Taamaammatt Siumumiit pitsaassuseq isumannaarneqartuarnissaa siunissaq eqqarsaatalugu atuarfeqarfinni allanillu ilinniarfinni inerisaaqataaffigissallugu oqalliseqataajumalluta piareersimavugut.

Unalu siunnersuut Siumumiit taparserlugu ataatsimiititaliamut susasaqartunut ingerlateq-qinnissaa kissaatigaarput. Ataatsimiititaliarlu sulilluarnissaannik kissaallugu.

Oqallilluarisilu

Doris Jakobsen Jensen, Siumut